



Time kommune




Skulpturen Klovnen i Fritz Røed skulpturpark. Foto: Morten Krogvold

Kultur og livsglede



Kultursjef Trond Lie ved Garborg-hovudet ved Knudaheio.
Monumentet er laga av kunstnaren Hugo Frank Wathne og vart
gitt i gâve til Time kommune av Arild Haaland i samband med
150-årsjubileet for Arne Garborg i 2001. Foto: JS Norge

I denne brosjyren finn du smakebitar av
Time kommune sitt kultur- og fritidstilbod.
Meir utfyllande informasjon finn du her:
www.time.kommune.no/tenester/kultur/



Kulturkommunen Time

Time kommune har eit rikt og mangfaldig kulturliv prega av ei rekke frivillige lag og organisasjonar i samspel med kommunen som både tilretteleggjar og tilbydar. Norsk kulturforum kåra i 2019 Time som Årets kulturkommune i Rogaland. Her er noko av det juryen såg og la vekt på:

Straks ein tar av frå fylkesveg 44 i vest og kører inn i kommune- og regionsenteret Bryne, «byen på Jæren», møter ein gamle Bryne Mølle, med visingsstader for kunst, konserthall og forsamlingslokale, samt ungdomskulturhuset Møllekjellaren. Vidare langs Arne Garborgs veg er Mølledammen med Fritz Røed skulpturpark nyleg oppgradert, og på torget er Bryne kino på plass i nytt kinosenter med fire moderne kinosalar. Kring dette veks det no fram eit mangfald av utelivsverksemder.

Vidare austover ligg Time bibliotek samlokalisert med Garborgsenteret i forholdsvis nye og moderne lokale, og med Bryne vidaregåande skule, som nabo. Bare eit steinkast frå dette finn ein det regionale kulturhuset Storstova, som no skal finna si form utan kinoen. Frå kulturhuset kan ein gå, jogga eller sykla innover i det flotte friluftsområdet Sandtangen. Ønskjer ein meir fysisk aktivitet og idrett, kan ein ta turen til Bryne stadion eller Timehallen, som snart får ny symjehall som nabo.

Opp i lufta, ut av byen ser me bygdesamfunna Kverneland, Lye, Undheim og Hognestad, alle prega av aktive lag og organisasjonar og med godt tilrettelagde idrettsanlegg og -hallar. Time kommune sitt register over lag og organisasjonar tel om lag 80 frivillige kultur-, fritids- og idrettsorganisasjonar. Desse utgjer grunnfjellet i «kvardagskulturen» i Time.


Opplev og ta del i kulturkommunen Time!

Trond Lie, kultursjef

Frå Fritz Røed skulpturpark med verket *Memento Mori* t.h.
I bakgrunnen ser ein Bryne kyrkje med Per Odd Aarrestad sin glaskunst.
Foto: Nanço Hoogstad



Skulpturen Klovn i Fritz Røed skulpturpark.
Foto: Morten Krogvold



Frå Møllekjellaren fritidsklubb. Foto: JS Norge



Satsingsområde 2019-2027

Time kommune sin nye kulturplan fram mot 2027 peikar ut tre satsingsområde:

- Nye Storstova og nye lokale til kulturskulen – rehabilitering og utbygging av dagens kulturhus
- «Haugtussa-veka» - med vandring i Veslemøy sitt rike (utandørs teater), litteraturfestivalen Garborgdagar m.m.
 - Kulturstiari i Time – turar med kunst- og kulturopplevingar

Les meir her: www.time.kommune.no/tenester/kultur/planar/

Time bibliotek

– ein oase for kunnskap og oppleveling

Time bibliotek flytta inn i nye lokale i 2010 og vart kåra til Årets bibliotek nasjonalt i 2013. Biblioteket er samlokalisert med Nasjonalt Garborgsenter (Jærmuseet).

På Time bibliotek kan du låna bøker, som er kjerneverksemda i biblioteket, men her finn du også eit stort og variert tilbod gjennom arrangement for store og små, mellom anna av litteraturformidling, foredrag, konserter, debattar, kvardagstilkjening, film- og teaterframstilling for barn og mykje meir.

Time bibliotek tilbyr også gratis lån av studieceller og møtelokale i opningstida og leige av Storsalen til ulike arrangement – både for bedrifter, organisasjonar og privatpersonar.

Biblioteket samarbeider med Klepp bibliotek og Sola bibliotek under nemninga Jærbiblioteka.



Nye Bryne kino

– heile Jæren sin kino

Nye Bryne kino er heile Jæren sin kino. Med fire salar, får publikum eit breitt og mangfaldig filmtilbod. På dagtid kan kinosalane også nyttast til møte, kurs og konferansar. Med si sentrale plassering på Bryne torg, og med kaféar og restaurantar som nabobar, er kinosenteret ein naturleg møtestad i denne delen av Brynebyen. Kvar torsdag er det seniorkino. Då har filmane noko dempa lyd.

BRYNE  KINO



Skulpturane Pierrot, fremst, og Carnevalea Venezia i Fritz Røed skulpturpark.

Foto Morten Krogvold

Fritz Røed skulpturpark – til leik og ettertanke

Fritz Røed skulpturpark ligg langs Bryneåna ("Kongo") i sentrum av Bryne og inneholder ti skulpturar med stor spennvidde i stil og storleik. Alle skulpturane er laga av kunstnaren Fritz Røed.

Her er humor, alvor, leik og ettertanke. Livsglede i det enkle og det kraftfulle, og stort rom for meininger og tolkingar. Skulpturane lever saman med parken, med lyset,vêret og årstidene, og er ein unik attraksjon kvar einaste dag.

Etter nyopninga av parken i juni 2018 finn du no også leikeapparat for barn, fontenar, fleire benkar, bord og sitjeplassar.



Bryne Mølle. Foto: Nanço Hoogstad

Andreas Bøe-galleriet

I Andreas Bøe-galleriet i Bryne mølle kan du oppleve eit utval verk frå Andreas Bøe-samlinga.

I 1999 gav Andreas Bøe ei gâve til Time kommune som bestod av over femti måleri og kring tjue grafiske blad. Samlinga inneholdt for det meste kunst av Bøe, men òg av andre kunstnarar.

Eit vekslande utval frå denne samlinga er utstilt i galleriet, som ligg i andre etasje i Bryne Mølle.

Eit breitt og godt kultur- og fritidstilbod

Time kommune tilbyr eit omfattande kultur- og fritidstilbod:

Frå fritidsklubar på Bryne, Kvernaland og Lyefjell, Time kulturskule, Den kulturelle skulesekken og Den kulturelle spaserstokken til språkkafé for innvandrarar og flyktningar, samt ei rekke fritidsaktivitetar for eldre, personar med nedsett funksjonsevne eller psykisk sjukdom.

Her finn du spennande og hyggjelege aktivitetar for både store og små.

Humla fritidsklubb

Humla fritidsklubb er eit tilbod for personar med utviklingshemming, og er open for vaksne over 16 år. Her er det både kafé og kiosk med servering av varm mat. I tillegg arrangerast det aktivitetskeldar, temafestar, konserter og andre kulturinnslag.

Det er ingen påmelding - her er det berre å møta opp!



Illustrasjonsfoto: Asle Haukland

Time kulturskule – eit ressurssenter som skapar glede

Time kulturskule er ein viktig del av Time kommune sin kulturelle grunnmur. Kulturskulen er eit ressurssenter for kunst- og kulturfagleg verksemd og samarbeider med barnehage, grunnskule, og frivillige lag og organisasjonar.

Skulen har spisskompetanse innan dei estetiske faga og arbeider dagleg med å gje barn og unge høve til å oppleva, utøva og utvikla seg gjennom kunst- og kulturfagleg verksemd. Undervisingstilbodet dekker dei 5 fagretningane; musikk, dans/ballett, drama/theater, visuell kunst og skapande skriving.

Storstova

Storstova er det regionale kulturhuset for Jæren. Storsalen har om lag 380 sete i fast amfi og scene for eit breitt spekter kulturarrangement, møte og konferansar. Foajeen kan nyttast til mindre arrangement.

Storstova er over femti år og må i nær framtid rehabiliterast eller erstattast. Nye Storstova er eitt av tre satsingsområde i kommunen sin nye kulturplan fram mot 2027. Nye Storstova skal vera ein samlingsstad for lokale kulturorganisasjonar, kulturskulen og profesjonelle kulturaktørar, og det skal kunne brukast av næringslivet og andre til konferansar, møte m.m.



Storstova



Møllekjellaren på Bryne

Møllekjellaren fritidsklubb er ungdommen sitt eige hus på Bryne og ligg i gamle Bryne mølle.

I Møllekjellaren er det kafé med matservering, aktivitetsrom, gaming-soner, bordtennis, biljard, øvingslokale og lydstudio. Det vert arrangert konserter, utflykter, diskotek, spelturneringar, workshops, kurs og diverse foredrag for og med ungdom.

Tilbodet gjeld for ungdom frå 8. trinn til og med vidaregåande.

I tillegg er det eige tilbod (Juniorklubb) for unge frå 5. trinn til og med 7. trinn.

Frå Møllekjellaren fritidsklubb. Foto: JS Norge



Nasjonalt Garborgsenter

På Garborgsenteret kan du leika og læra om forfattarane Arne og Hulda Garborg og alt det spennande som dei var opptekne av. Her finn du lyttestolar, bokhylle med overraskinger i skuffane, diktarhjul, ein interaktiv døypefont, leikeberg med utkledingskledde og gullskattar, filmrom og ei mediesone der du kan laga dine eigne avisartiklar.

Garborgsenteret er ei avdeling i Jærmuseet, og driftar òg Arne Garborg sin barndomsheim, Garborgheimen, og skrivestova hans, Knudaheio.

Arne Garborg blei fødd i Garborgheimen på Garborg i 1851. Her vaks han opp som eldst av ni sysken. Innreiinga i jærhuset gjev eit godt bilde av korleis det var her då han vaks opp, og korleis folk på Jæren hadde det på 1800-talet.

Skrivestova Knudaheio frå 1899 ligg i bakkane over Undheim. Her er det utsikt over nesten heile Jæren og heilt til havet. Både Arne og Hulda Garborg ligg gravlagt i hagen.

I og rundt Garborgheimen, Knudaheio og Time kyrkje finn du rundt seksti små skilt med QR-kodar på. Skannar du desse får du fram film- eller lydsnuttar med handling frå Arne Garborg sine bøker. Nokre overraskinger får du òg i denne digitale formidlingsløypa, kalla Garborgløypa.

Litteraturfestivalen Garborgdagar vert årleg arrangert av Time kommune i samarbeid med Garborgsenteret og andre lag, organisasjonar og utestader på Bryne.

GARBORGSENTERET
—
JÆRMUSEET

Aktiv kvardag

Fysisk aktivitet er kjelde til helse og livskvalitet, nødvendig for normal vekst og utvikling hos barn og unge og viktig for å oppretthalda god funksjonsevne gjennom heile livet.

I Time kommune har vi eit breitt tilbod til dei som ønskjer å vere aktive på fritida – frå organisert idrett til turmogleheieter i flott natur året rundt. Fleire nye anlegg er òg under planlegging i kommunen – både idrettshallar og ny symjehall skal byggjast.

Frivilligkeit og samskapning

Time er ein open og inkluderande kommune som ser på mangfold som ein ressurs der innvandrarar, frivillige lag og organisasjonar, næringsliv og kommune deler kunnskap og erfaringar.

Møteplassar der ulike kulturuttrykk og fritidsaktivitetar får gro er verkemiddel for å skapa dialog og samhandling mellom innbyggjarar i kommunen. Frivillig sektor er svært viktig for å skapa møteplassar og deltaking. Lag og organisasjonar legg til rette for sosialt engasjement, interessebasert kultur- og fritidsaktivitet og aktive demokratiske arenaer. Kommunen har ei viktig rolle som bidragsytar og tilretteleggjar.





Foto: Brit Nilsson Edland, Time kommune

Midgardsormen bru

Brynes Vel tok initiativet til å byggja Midgardsormen, brua over Frøylandsvatnet. Brua knyt saman Sandtangen og turstiane på vestsida med Njåskogen på austsida. Målet har vore å gjera Frøylandsvatnet som turområde enda meir tilgjengeleg, auka bruken av området og ikkje minst gje området ein attraksjon i form av eit flott byggverk.

Den kulturelle spaserstokken

Den kulturelle spaserstokken skal gje personar over 70 år i Time kommune eit profesjonelt kunst- og kulturtilbod av høg kvalitet. Arrangement i regi av Den kulturelle spaserstokken er alltid gratis og vert oftast lagt til Sivdammen velferdssenter, Bryneheimen og Kvernaland velferdssenter.

Alle med i Time

Dette er eit tiltak for å motverka utanforskning og gje alle barn og unge i kommunen minst ein fritidsaktivitet, uavhengig av familien sin økonomi.

«Talentfabrikken» Bryne symjeklubb

Bryne symjeklubb har ein lang og god tradisjon som leverandør av talent til landslag. Kvart år hentar lokale symjarar heim meisterskapstítlar og medaljar til eit velfylt premieskap.

Symjeklubben trenar i Bryne symjehall. Hallen er gammal og treng renovering. Time kommune planlegg nå ny symjehall, som vil gje betre fasilitetar for symjeopplæring, trening og konkurransar.



Trenings i Bryne symjehall. Foto: JS Norge



Serigstad Agri er landets eldste landbruksbedrift og i år feirer vi 155 år!

Med røtter i fortiden og blikket mot fremtiden arbeider vi for å sikre fôrkvaliteten og automatisere tungt og tidkrevende arbeid for bonden.



Jaeradvokatene

- din lokale advokat for private og næringsdrivende

Advokatene

Olav Hetland – Liss Byrkjedal – Tom Erik Vestrheim

Hetlandsg. 5, 4344 Bryne – Tlf. 51 77 76 20

www.jaeradvokatene.no

Takk til våre
samarbeidspartnarar



Stedet for det voksne publikum

Kveldskonserter onsdager og dagskonserter lørdager • Pubquiz fra september til mai hver torsdag

Åpningstider

Mandag 15–23 • Tirsdag - Torsdag 15–24 • Fredag 15–0130 • Lørdag 1130–0130

www.thime-station.no

Helseth Tannregulering

Tannlege Helseth AS
Storgata 15, 3 etg. 4340 Bryne

Tlf. 51 48 19 00 • E-post: tannlege@helseth.nhn.no

www.tannreg.no

WACO

www.waco.no

**G GRUNN-
SERVICE AS**

KVALITET GJENNOM SAMARBEID

Pålitelige Profesjonelle
Systematiske Fremoverlente

www.grunn-service.no



BRYNE
tannregulering

Tlf. 51 48 53 70 • Torget 1, 4340 Bryne
www.bryne-tannregulering.no



**Vi støtter
kulturlivet**

Sparebanken Sør støtter mange prosjekter innenfor kultur, idrett, utdanning og andre områder. Sammen skaper vi vekst ditt lokalsamfunn.

SPAREBANKEN SØR

Lokal leverandør av lås og beslag

T-STUETLAND LÅS AS

“wist du tør å la vær”



FILING AV NØKLER • SYSTEMLÅSER/NØKLER • MONTASJE
DET MESTE INNEN LÅS OG BESLAG



Time kommune

Innbyggjarservice

Telefon: 51 77 60 00

Rådhuset, Arne Garborgs veg 30, Bryne

Postadresse: Postboks 38, 4349 Bryne

E-postadresse: post@time.kommune.no

Nettadresse: www.time.kommune.no



Skulpturen Liten sirkushund i Fritz Røed skulpturpark. Foto: Morten Krogvold

